


東豐縣鄉土志

地420.57
54




東豐縣鄉土志

目錄

縣境與圖

總說

二十鄉分說



總說

東豐古肅慎代地歷代相傳遞易名稱至明時東半屬輝發部落西半屬葉赫部落前清國初太祖滅葉赫擒貝勒布陽古滅輝發擒貝勒拜音達里父子其地遂廢為圍場即今俗稱東泚水也光緒四年海龍設治特置總管專理圍場事分兵戍守安設庶蹕年有貢時有會獵故遺庶至今猶存光緒二十一年中東戰後金州租於日本盛京將軍依擬以此為金州殖民地未果至光緒二十七年奉天總督增以辦理善後兵餉無著遂奏請文放給民管業光緒二十八年秋擇圍場之中心俗稱大度川者設立縣治名曰東平隸海龍府屬此東平開闢設治之始也縣境沿圍場故址東至海龍及吉林省界西至西豐西安北至吉林南至海龍去省城五百里西以山為界東以河為界蜿蜒起伏約三百餘里南濶北銳成一蜈蚣半曲形地面遠濶四圍皆山嶺尚叢錯水不歸源有山皆土有地皆溝居民便於墾墾在此鬪匪易於禦擾亦在此全境分自治二十鄉東路除城廂一鄉僅有四鄉外其南北西三路均五鄉每鄉有公房一所多至四五十間少亦二三十間不等為警學自治住所民居皆沿溝分住不成村落且均係墾荒及租地小戶原領地主多不親墾故民每依山為屋架木而居其鄙陋亦概可想見矣城內諸紳均非土著有流寓即為永業者有置地在此時來經營行止無定者商戶皆來自他邑梗於交通故營業未見發達計城內大小鋪戶共四百七十一家設有商務分會各鄉則以黃泥河大沙河四平街楊木林四處尚有鋪戶百餘家數十家不等餘鄉則蕭索極矣全境人口共十萬四千二百二十八名女共



原名大沙河在黃泥河北界係東平北路第一平坦區域東界海龍及磐石縣境西界西安縣境北界過分水嶺即那丹伯圍矣東西長五十餘里北濶二十五里成一長方形山脈由西北分兩股向東南行中間平原極廣有沙河流貫其間東面山亦峻秀此蓋由海龍至三站之大路也村鎮分兩集廠工集廠有商戶八十餘家有巡警分駐所及鄉立學校頗稱繁要下集廠在鄉之東偏僅有自治會及小學兩班而商戶則絕無僅有以距上集廠僅十餘里勢不能同時並盛也鄉之平原既廣土亦肥饒惟居民多係租戶明違事體者絕少雖有自治會而諸務廢弛故風俗甚嫌鄙陋出產以元豆穀稗為大宗紅糧包米次之納賦地共九萬餘畝人民約一萬八千餘名口東界海龍磐石為鬍匪出沒之區西界西安亂山之中亦鬍匪淵藪故此間巡警陸軍終年防範不敢稍忽

北四鄉說

原名那丹伯過大沙河北分水嶺順西安分水嶺與吉林伊通河頭中間迤北行直抵葦子溝南界長五十餘里東西北濶十五里南濶二十餘里中間最狹者不過數里成一蜂腰形緣原留圍荒為山水形勢所限然也境內土脈北不及南雖有平原以小雜水錯不成片形自治會學校巡警設於迤北之東興鎮東營林營成子僅一河之隔故居民雖夥而絕少舖商那丹伯河即發源於境內之石頭頂子等山向東北流入伊通河鄉境既切近吉林省界所有居民由吉林遷來者極多風俗强悍鬍匪充斥蓋一邊地之極邊也全境地畝共八萬餘畝人民八千餘名口調查選民一百三十五名出產以元

五里至數里不等西濶東銳成一長三角形蓋與城區同一溝墜而由西豐赴海龍之大路也山脈雖由西而東分南北兩股夾路而下而中間一線河流兩岸平原甚濶故地多平坦民稱富庶拉拉河發源於北山五道溝曲折南行入沙河自治會所及學校警察即設於其旁其小商舖四五家西行十餘里有猴石鎮大小商戶三十餘家有私立小學一處預警分駐其間全境居民男女共萬三千五百餘名口調查選民六百餘名納賦地共三十六萬四千餘畝以東平一大鄉也出產以元豆為大宗紅糧包米次之藍靛綠麻亦為出產大宗該鄉距城既近又順西豐大路利於交通故人咸稱樂土云

西二鄉說

原名楊木林子在秀水河拉拉河西界南至四平街北至西安縣界西至西豐縣之分水嶺東西長約四十五里南北寬約三十五里山脈雖由西豐之分水嶺發起而勢頗縱橫不甚順序中間平地甚濶河道一由西分水發源一由南分水發源匯流東下入城區沙河沿河有大路一條由東平赴西豐必經過馬頗稱衝要市鎮分上下兩集廠相距不及里許大小商戶約百數十家警察學校自治會即設於兩集廠之間規模宏濶為東平第一由此兩集廠順路東行十五里有一小市鎮名二龍山亦有商戶十數家該鄉既通大路又多市鎮故交通貿易為東平全境之冠西北兩面與西安西豐邊境毗連皆為鬪匪出沒之區故冬夏警察防務甚嚴居民有住戶有租戶貧富不等俗亦刁悍全境人民共約一萬七千餘名口地十八萬餘畝出產以元豆紅糧為大宗菸麻收成亦鉅

西三鄉說

原名四平街在楊木林子及秀水河子南一嶺之隅然嶺頗高峻故入其境似別有天地東界增福溝西界西豐縣之分水嶺南界橫道河東西長約六十里南北濶二十里山脈由西分水嶺發起分三股東行復合為二中間有名金石樂大頂子及梳稽塔頂子者均係東平境內著名大山前清養廉官山即在兩山之間現仍有鹿圈蓄養遺鹿焉河流亦發源於西分水嶺東流入增福溝界是為梅河沿河有大路一條即係由增福溝赴西豐者然範圍太狹故不甚衝要順路有東西兩集廠在四平街大小商戶約三十餘家巡學自治均附設其中東集廠在一面山大小商戶約二十餘家有小學兩班及預警駐所兩集廠相距三十里民居交易頗稱便利由西集廠南行十餘里有地名油瓶溝山立四壁中有平原數千畝林木隱約雞犬傳聲大有桃源景象惟鬍匪來往時擾居民民戶散而不聚防剿守望頗費周折山係養鹿官產並產山參林木元蘑玉黃蘑花臉蘑及木耳等物現在官山業已開放樵採踵至所產各物已日見其疏地產以元豆紅糧包米菸蔴為大宗民俗强悍貧富不一人口在九千之數地約十四萬餘畝

西四鄉說

原名橫道河為東平一富庶區域東界雙龍山及海龍縣界之山城鎮西界西豐縣北界縣屬之增福溝四平街南界老荒營東西長五十里南北濶二十里成一長方形山脈由西豐分界之分水嶺分三股蜿蜒東下南北兩股環抱鄉境直抵與海龍分界之沙河岸中一股行二十餘里突然而止俗名

長五十里東西濶二十里至十里不等類斜角形境內南半山嶺叢錯地少溝深北半則多係平原以地面接近海龍鬍匪時常出入鄉之居民多係住戶不乏明達事體之人故鄉間應辦事宜不稍廢弛自治會學校設於南偏之小灣龍溝地方警察設於北偏之小柳河地方中間相距二十里其局勢之整齊道路之平坦入境即知鄉之有人也古云人存政舉豈不信哉全境居民男女一萬餘名口合選民資格者在五百名上下產糧地約九萬餘畝出產以元豆紅糧包米為大宗全境不通大路無大村鎮然去海龍縣城不過數里故交通尚覺便利

東四鄉說

原名樺樹河橫亘灣龍溝柳樹河北界東至海龍縣界西至西安縣界北至黃泥河東西長六十餘里南北寬十五里至十里不等東濶西狹成刀柄形山脈由西安分水嶺起分布全境絕少平原雖河流兩岸地稍平坦然統全境計算尚不及十分之二居民東半漸有住戶西半均係租戶蓋地之所有權非海龍東平兩邑學田即他境富家大室也警察學校及自治會所設於河北之六合屯均係新近建築故局勢頗為宏敞惟民俗簡鄙房多馬架大有上古穴居之風人民八千餘名口地七萬餘畝出產以元豆為大宗紅糧穀子包米次之以不通大路亦無大村鎮云

南一鄉說

原名小城子鄉境距城五里緊與城區毗連東界沙河口水河南界有大嶺一道嶺南東半影壁山西半增福溝南境係東西直線長約三十五

里由北角起向東南西南兩線均約二十五里類扇面形鄉境雖三面有山而中間平原甚廣土亦肥沃且租戶甚少故民多殷實境內有河流三道一條沙河一條巨水河一條由南山韋塘溝發源之小河至東北山角匯流東入海龍之梅河學校警察自治會所即設於三河匯合之南全境居民男女共八千餘名口納賦地約九萬九千餘畝出產以元豆紅糧穀子包米為大宗山之中間亦產山梨桃李等物然品味均不甚佳以上生氣寒故也

南二鄉說

原名秀水河在小城子西界距縣治二十五里北至城區拉拉河南至增福溝西至四平街楊木林子東西長約四十里南北濶約三十里東斜西銳類斜方形山脈由西界老荒頂子起分南北兩股蜿蜒而東中間平原甚廣水亦清潔河流亦發源於老荒頂子即秀水河東流入小城子界沙河巡警學校自治會均設於河北之紅浪頭山旁規模甚為宏濶惟因該鄉不通大路故全境無大村鎮人民九千餘名口納賦地十萬餘畝出產以元豆紅糧菸蓆為大宗惟民多租戶故庶而不富

南三鄉說

原名增福溝即秀水河南岸東至影壁山西至四平街南至雙龍山橫道河東西長約四十里南北濶約三十里成一長方形山脈北股即秀水河由老荒頂子發起之南山南股係四平街界梳楷塔頂子一股蜿蜒而東河由西豐分水嶺發源出境東流入海龍界統名梅河境內有大路兩條一條由東而西經四平街界而赴西豐一條由北而南過雙龍山界而赴山城鎮故河北

原名柳樹河包城區東北兩面成一曲尺形東界灣龍溝西界西安縣之分水嶺南界沙河口北界樺樹河東南西北長約七十餘里東北西南寬約二十里至十餘里不等東平區域之廣以此為最山脈由西北向東南行勢頗曲折中間有兩山並峙俗名二龍山峯嶺秀拔耐人延賞中有一線河流由北而南即鄉以命名之大柳河也其源發於西北水深三四尺或六七尺蓄魚頗富兩岸平原亦濶居民租戶與住戶參半住戶多大戶故其富足亦甲於他鄉云警察學校自治會設於二龍山南去縣治僅十數里規模雖濶以年來辦事人少無甚起色戶口一萬三千餘畝地十九萬餘畝出產以元豆紅糧為大宗

東二鄉說

原名沙河口在柳樹河東南兩面毗連海龍縣界西界小城子東西長四十里南北寬西界二十五里向東迭減至數里不等類三角形境內山勢散漫皆成平原地勢雖分高下而土脈肥沃則一河流由小城子界而來即沙河是也東流入海龍界之柳河以鄉境正係河口故以命名居民多係租戶俗頗樸陋全境男女共七千餘名口而所住房舍僅二千七百餘間糧房馬棚均在其內以十分之八作民居計算每房一間平均須住四五人以上風俗之鄙即此可見產糧地十二萬六千餘畝收成以高糧元豆為最多自治會學校警察設於河北之靠山屯以不通大路故村戶甚屬零星

東三鄉說

原名灣龍溝在沙河口東北東南界海龍縣西界柳樹河北界樺樹河南北

七萬三千一百五十三口其男多女少者以係闢荒初墾之故近年屢有以販賣婦女被獲者事雖違法然揆諸以盈剝虛之理亦事勢所必至居民五方雜處習尚各殊大有家自為俗之勢土產以土地盡闢多係糧石林木山磨木耳等物雖間有產處然亦寥寥無幾也納賦地共二百八十九萬三千一百餘畝產糧約一百十五萬石惟農人不講糞田之道現以山地初墾尚屬肥沃若俟十數年後水衝沙壓恐成不毛之地矣可不慮哉山脈河流鄉域另具圖說以供參考

城廂說

原名大度川隸於縣境之中心點係由海龍而赴西豐之通衢東北兩面至柳河界南界小城子秀水河西界拉拉河繞瀛河南北長二十里至二十五里不等東西寬十五里至數里不等蓋順山勢之自然而定也山脈由西而東分南北兩股然皆在邊境故中間頗覺寬濶河道亦分兩股一係繞瀛河由西北東一係拉拉河由西來入境匯流為沙河東流入海龍界縣城即設於河北以附城故居民甚夥惟東北西南兩隅地形稍濶其餘非民宅即園地幾無產糧之區域內除公署及各機關所佔公房外市房絕少民居亦寥落如晨星南門外順城街東西長約二里許尚屬繁盛東門外大街雖亦築齊而無正當舖面以南門外順大路故也城內外大小商戶共四百七十一家學校縣立及城立共四處計學生七百餘名駐防有陸軍及警察惟人民五方雜處習尚紛歧幸各團體均稱得人諸事尚能整頓

東一鄉說

大路亦直貫其間往來行人雖夥以距城較近故無繁盛村鎮學校巡警自治會所合立一處局勢整齊自治會員亦多幹練橋樑道途逐年修補頗便行旅全境戶口共八百七十一戶男女共六千七百四十餘名口合選民資格者一百七十餘名農業居多風尚樸素納捐地共七萬四千四百一十畝二畝以種元豆紅糧包米為大宗北山墜子街有石灰窯一處產質極良隣近鄉區建築家均賴之聞該處前曾發現金礦以不善於開採故興工數月仍放棄之甚哉無礦學知識之誤事也

北二鄉說

原名黃泥河橫亘樺樹河北界距縣治五十餘里東界海龍縣西界西安縣北界大沙河東西長六十餘里南北寬二十里至二十五里不等成一柳葉形其中亂山叢錯凹凸不平幸中間一線河流兩岸平原尚夥由海龍赴西安大道亦直貫其間故交通甚便鄉分兩集廠上集廠永平鎮大小商戶二十餘家下集廠設太平鎮大小商戶六十餘家而自治會學校巡警在焉兩集廠相距三十餘里以道路遙遠今春於上集廠招小學兩班今預警駐紮其地以資鎮攝而免偏重居民二千餘戶男女共一萬三百餘名口多係租戶調查選民只二百三十一名五方雜居素稱刁悍連年為地事輟葛纏訟不休北山迤西有金礦礪礪以之礦學知識故無人開採納捐地共十萬八千八百三十七畝出產以紅糧包米為大宗元豆穀子次之東西寬與海龍西安接壤而鬻匪遂出沒無常幸該處駐有陸軍一連居民尚能安業

北三鄉說

龍頭山大小兩橫道河即在此山左右曲折東下匯流入海龍界之沙河該鄉山高水深土肥民富誠東平不二區域也居民男女共一萬一千餘名口而住戶居多納賦地六萬二千餘畝龍頭山北大橫道河流域有一市鎮名仙人堂大小商戶約二十餘家巡警駐所在焉自治會學校設於龍頭山東大小橫道河匯流之處局勢宏敞設備完全為二十鄉之冠左近居民多係富家故學校學生亦頗秀異常沿大小橫道河流域有由山城鎮赴西豐之大道兩條故交通亦甚便利出產以包米元豆紅糧為大宗

西五鄉說

原名老荒營在橫道河南界距縣治一百餘里西界西豐縣南界海龍縣東界雙龍山東西長四十餘里南北濶二十里至十數里不等東直西銳成一斜三角形全境山脈由西北而東南參差錯落分八九股均起於西豐分界之白雲頂子大山此山之陰峻在東平境內為第一故鬚匪出沒為負隅之地居民約四千餘名口溝深崗隔不相往來山脈既多水亦散漫統查全境無一真正河流無一平坦地形蓋一荒僻處也學校巡警自治會設於境之中央即開荒以前之老營房舊址出產以紅糧包米為大宗以近年山地收成稍可故民居尚不甚貧苦云

北一鄉說

原名繞瀛河在城區西北南界拉拉河北界樺樹河東界城區西界西安縣東西長二十五里南北寬五里至十里不等西銳東濶成一牛角形蓋東平一最小鄉也此鄉南北皆山僅中間沿河兩岸地稍平坦而由東平赴西安

東偏有商戶三十餘家居然一市鎮警察學校自治會均設於本街鄉之水不深而清山不高而秀土沃民肥風俗不甚簡僻納賦地十萬二千餘畝人民男女八千餘名口出產以元豆紅糧為大宗間亦有菸麻藍靛者

南四鄉說

原名影壁山鄰增福溝東界距縣治四十五里南至雙龍山北至小城子東至海龍縣界之梅河台東西長三十里南北濶三十里成一正方形南北兩山均與增福溝同脈河亦同流兩岸地多平坦惟民多租戶故貧富不均警察學校自治會所設於河南之遼陽街面對山峯頗為俊秀即俗所稱影壁山也全境居民約八千餘名口地八萬餘畝出產以元豆紅糧為大宗包米菸麻次之山間雖間有產果品者而為數無幾

南五鄉說

原名雙龍山在影壁山南界東南均至海龍西至橫道河東西長六十餘里南北濶至十里數畝不等東狹西寬類牛角形境內山嶺叢錯路徑崎嶇蓋一簡僻之區也幸山荒初闢收成尚好且去山城鎮僅八九里交通亦甚便利故居民不甚貧苦自治會學校警察設於境內之卧牛山旁東西兩極頗嫌寬遠然限於地勢亦無可如何全境人民約五千七百餘名口地約五萬餘畝出產以元豆紅糧為大宗黃菸包米次之

西一鄉說

原名拉拉河由縣治西四里即入該鄉境與城區毗連西至楊木林于北至西安縣界及縣屬之繞瀛河南至城區及秀水河東西六十五里南北二十

豆穀子為大宗紅糧包米收數稍次迤南有寒蔥頂子山所產寒蔥其味極美春夏之交附近居民爭採食之據土人言前清國初時曾以進貢雖事無可考然為該處一種特產則無疑也

北五鄉說

原名葦子溝在那丹伯北界西以西安縣分水嶺為界東北兩面均與吉林之伊通縣接壤南北長約四十餘里東西濶二十五里至十數里不等西直東曲成一半圓形迤南有平嶺山即該鄉與那丹伯分界之處全境山脈皆從此出錯落向東北行出境而直達伊通土脈雖夙惟山崗過多平地較少幸居民多由吉林移來強半殷實堪以自給所惜山深戶少鬻匪出沒無常該鄉距縣治二百餘里有鞭長莫及之勢舉足則境屬隔省緝捕倍覺為難鄉之自治會巡警學校均在東北偏與吉林界僅隔一道殊不遑中緣開荒以前該處曾駐有營房因其故址較為省費故建設於此居民男女共七千餘名口俗多簡陋住戶星散全境無五家為鄰者其景象之荒涼可概見矣出產以穀子為最多紅糧元豆次之再即黃菸亦為此地所特產每年收數在二三萬斤民間交易貨物均赴伊通縣街以相距不過二十餘里也



古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室